

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Broj:01-04- 914 /26  
Banovići; 11.03. 2026. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH “ broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine F BiH “ broj 49/06 ), člana 43.Statuta općine Banovići („Službeni Glasnik općine Banovići “ broj: 2/20 ), općinski Načelnik donosi:

## **P R A V I L N I K**

### **o uslovima i načinu ostvarivanja prava za podsticaj proizvodnje svježeg mlijeka**

#### **I**

Pravilnikom o uslovima i načinu ostvarivanja prava za podsticaj proizvodnje svježeg mlijeka ( u daljem tekstu Pravilnik ) utvrđuju se uslovi i način ostvarivanja prava za podsticaj proizvodnje svježeg mlijeka za period od 1.12.2025. godine do 1.12.2026. godine, za poljoprivredne proizvođače sa područja općine Banovići.

#### **II**

Sredstva za ovu namjenu predviđena su u Budžetu općine Banovići za 2026. godinu sa pozicije „ Subvencije za mlijeko“ , ekonomski kod : 614 513 u iznosu od 120.000,00 KM. Ukoliko navedena sredstva iz bilo kojeg razloga ne budu dovoljna za isplatu podsticaja, ista će u potrebnom iznosu biti namirena sa pozicije „Podsticaj poljoprivrednoj proizvodnji“, ekonomski kod: 614515.

#### **III**

Pravo za podsticaj proizvodnje svježeg mlijeka po ovom Pravilniku imaju fizička lica koja su nosioci poljoprivrednih gazdinstava.

Uslovi za ostvarivanje prava za podsticaj proizvodnje svježeg mlijeka za aplikante su:

- da imaju prebivalište na području općine Banovići,
- da su upisani u registar poljoprivrednih gazdinstava i Registar klijenata (RPG/RK) kao nosioci gazdinstva,
- da su obavili ažuriranje podataka za 2026. godinu do roka propisanog Pravilnikom o upisu u Registar poljoprivrednih gospodarstava/gazdinstava i Registar klijenata, za one korisnike koji već imaju potpisan ugovor sa otkupljivačem.
- da posjeduju pasoše životinja u skladu sa Pravilnikom o obilježavanju goveda,
- da se bave proizvodnjom mlijeka na području općine Banovići, te da su u periodu od 01.12.2025. godine do 01.12.2026. godine izvršili isporuku mlijeka ovlaštenom otkupljivaču, što dokazuju potpisanim Ugovorom sa ovlaštenim otkupljivačem svježeg mlijeka,

- da podnesu zahtjev za ostvarivanje podsticaja proizvodnje svježeg mlijeka u propisanom roku.

#### IV

Općinski Načelnik će raspisati Javni poziv koji će biti otvoren do 15.12.2026. godine.  
Rok za podnošenje zahtjeva po kvartalima:

- **za I kvartal** ( Januar, Februar i Mart ) 2026. godine i za period od 01.12.2025. do 31.12.2025. godine rok za podnošenje prijave na Javni poziv je do **15.04.2026. godine**,
- **za II kvartal** ( April, Maj i Juni ) 2026. godine rok za podnošenje prijave na Javni poziv je do **15.07.2026. godine**,
- **za III kvartal** ( Juli, Avgust i Septembar ) 2026. godine rok za podnošenje prijave na Javnipoziv je do **15.10.2026. godine**,
- **za IV kvartal** ( Oktobar i Novembar ) 2026. godine rok za podnošenje prijave na Javnipoziv je do **15.12.2026. godine**.

#### V

Visina novčanog podsticaja iznosi **0,22 KM po litri** isporučenog mlijeka za aplikante koji u periodu od 01.12.2025. godine do 01.12.2026. godine isporuče mlijeko ovlaštenom otkupljivaču.

#### VI

Prijavu na Javni poziv sa potrebnom dokumentacijom aplikant podnosi na prijemnoj kancelariji u prostorijama Centra za pružanje usluga građanima ( Šalter sala općine Banovići ) u propisanom roku.

Uz popunjeni prijavni obrazac aplikant dostavlja sljedeću dokumentaciju:

- **ovjerene kopije pasoša životinja u skladu sa Pravilnikom o obilježavanju goveda,**
- **ovjerenu kopiju Ugovora sa ovlaštenim otkupljivačem svježeg mlijeka ,**
- **potvrdu od ovlaštenog otkupljivača o predatim količinama svježeg kravljeg mlijeka original ili ovjerena kopija.**

#### VII

Za provođenje Javnog poziva iz člana IV ovog pravilnika općinski načelnik će imenovati komisiju za provođenje Javnog poziva za podsticaj proizvodnje svježeg mlijeka.

Zadatak komisije je da izvrši pregled i obradu pristiglih zahtjeva, izvrši obračun novčanog podsticaja i za aplikante koji ispunjavaju uslove Javnog poziva sačini prijedlog za isplatu novčanih podsticaja.

Prijedlog za isplatu novčanih podsticaja komisija dostavlja Službi za privredu, planiranje i lokalni razvoj općine Banovići.

Nakon izvršene kontrole Služba za privredu, planiranje i lokalni razvoj dostavlja prijedlog za isplatu općinskom načelniku

## VIII

Za aplikante koji uz zahtjev ne dostave neophodnu dokumentaciju traženu Javnim pozivom, Služba za privredu, planiranje i lokalni razvoj provodi postupak dopune zahtjeva u skladu sa Zakonom o upravnom postupku („Sl. novine F BiH“ broj: 2/98 , 48/99 i 61/22).

Ukoliko podnosilac zahtjeva i nakon provedenog postupka dopune zahtjeva ne dostavi neophodnu dokumentaciju, Služba će donijeti Zaključak kojim će odbaciti zahtjev podnosioca. Zaključkom će biti odbačeni i oni zahtjevi koji po bilo kojem osnovu ne ispunjavaju uslove propisane ovim Pravilnikom.

Na Zaključak je dopuštena žalba koja se izjavljuje općinskom Načelniku. Rok za podnošenje Žalbe je 8 dana.

## IX

Pravilnik stupa na snagu danom donošenja i objavit će se u Službenom glasniku općine Banovići, zvaničnoj web stranici općine i oglasnoj ploči.

## X

Nakon objave Pravilnika , Služba za privredu, planiranje i lokalni razvoj će u saradnji sa sredstvima javnog informisanja , obavijesiti proizvođače mlijeka sa područja općine Banovići o podsticajnim mjerama i kriterijima koji moraju biti ispunjeni da bi podsticajna sredstva bila odobrena.

Dostavljeno:

- 1x Str. Služba opć. Vijeća
- 1x web stranica općine Banovići,
- 1x Služba za privredu, planiranje i lokalni razvoj
- 1x Radio Banovići
- 1 x a/a



**OPĆINSKI NAČELNIK**  
dr. sc. Mehmed Hasanović, dipl. inž. maš